



# Saeklon Pam Wan Yia i Pas

Wan yia since Saeklon Pam i bin pas, Vanuatu Red Kros i stap lukluk long hao nao kantri i stap mekem rikavari.



Ova long tu dei, long 13 mo 14 March 2015, Tropikol saeklon Pam i kilim plante aelan long Vanuatu. Katekori 5 saeklon ya i kam wetem win blong 250km/hr wetem strong fala win we i kasem 320km/hr. Win mo flad i mekem se igat plante damej long ol hom, laeflihud mo ol rod. Hemia i mekem se kondisen blong ol haos, akses long ol beisik seves mo inkam iko daon.

11 man i bin ded mo 66,000 i lusum haos blong olgeta. Saeklon i bin afektem 188,000 man- hemia i 70% long total populesen blong Vanuatu.

Vanuatu Red Kros, wetem sapot blong ol patna i bin helpem 39,915 man mo woman long rikavari. Oli provaedem asistens tru long imejensi rilif samting, wota distribusen, ol tul mo trening blong ribildim ol haos, konstraksen blong ol ren sistem blong kasem ren wota, mo ol sanitesen fasiliti, haejin promosen aktiviti long ol komuniti blong mekem se ol risk blong sik i ko daon mo tu, ol woksop blong ol yangfala woman blong putum bak laef blong olgeta afta long disasta.

Red Kros i kontinu blong wok wetem ol komuniti truaot long Vanuatu blong help wetem rikavari mo priperem olgeta from nekis disasta.



*Antap: Saeklon damej long Mele vilij, (Hanna Butler, NZRC); Raetsaed: Red Cross i jekem saeklon damej long Emae (Dickinson Tevi, VRCS)*

# 39,915

man we Red Kros i givhan long olgeta

Ol wok insaed long ripot ia hemi kamaot long patnasip wetem International Federation of Red Cross Red Crescent, Australian Red Cross, French Red Cross mo New Zealand Red Cross.

## TOKTOK BLONG CEO

Long las yia, Vanuatu i bin ko tru long wan strongfala saeklon we i bitim evri nara saeklon . Saeklon Pam hemi no olsem eni saeklon we yumi bin luk bifo. Long rispons, Vanuatu Red Kros Sosaeti, wetem help blong ol intenasanal patna mo kavman, i bin statem rikavari mo imejensi rilif. Twelv manis i pas, mifala i presentem wan smol ripot blong wok we mifala i bin mekem mo kontinu blong mekem wetem plante komuniti truaot long Vanuatu.

Vanuatu Red Kros hemi fesem ol jalenj be mifala i mekem sam gudfala ajivmen. Be ril sakes stori blong rikavari ya hemi hao ol pipol blong Vanuatu i strong mo save ko tru long disasta. Wok blong Red Kros hemi posibol tru long komitmen blong ol komuniti we mifala i wok wetem mo hat blong ol man long ol komuniti ya we oli givim taem blong ribild mo rikava. Mi tekem taem ya blong talem tankiu long evriwan long olgeta from patnasip mo peisens blong olgeta. Tugeta bae yumi ko tru long ol jalenj mo rikava.



*Antap: CEO mo Vice-President blong Vanuatu Red Kros i wet long araevel blong ol rilif saplae long Port Vila (Dickinson Tevi, VRCS); Andanit: Ol Red Kros volentia i lodem ol rilif saplae long Port Vila, Efate (Dickinson Tevi, VRCS)*

“ril sakes stori blong rikavari ya hemi hao ol pipol blong Vanuatu i strong mo save go tru long disasta.

## IMEJENSI RISPONS

Stret afta long taem we saeklon i kam, Vanuatu Red Kros i karem tugeta ova 200 lokol volentia blong help blong givim aot ol rilif saplae iko long 39,915 pipol. Ol imejensi ripe i happen long ol wota saplae long Tanna mo Red Kros i provadem klin wota long Tanna mo Efate. Ol kijin set, samting blong slip, tapolen, haejin kit, sola laet mo kontena blong wotai bin ko aot long 14 aelan we saeklon i afektem olgeta mo 7,983 famli.

Blong karem moa infomesen long imejensi rispons, ko long VRCS Saeklon Pam Imejensi Rispons ripot we istap long websaet: – [www.vanuaturedcross.org](http://www.vanuaturedcross.org).





## SELTA

Shepherd aelan mo Tanna i tufala ples wetem plante damej. Sam pipol long ol vilij i bin ripotem se afta long saeklon, plante haos i bin foldaon. Red Kros i stap lukluk blong ribildim ol haos blong komuniti mo helpem ol pipol blong ribildim haos blong olgeta. Mo Red Kros i yusum ol wei blong bild we i mekem se haos i save ko tru long wan narafala disasta long fiuja.

Igat ol rikonstraksen blong ol skul bilding long Efate, Emae mo Buninga. Long Not Tanna, igat wan plan blong bildim 16 kindy, mo ten lokol saeklon selta we bae save ko tru long ol fiuja disasta. 900 famli long ova 100 komuniti long West Tanna i bin risivim ol selta kit mo stap long selta awenes demonstresen blong ribildim ol haos blong olgeta. Red Kros i ranem 'Bildim Bak Beta mo Seifa' awenes sesen long ol komuniti ya blong mekem sua se ol pipol i gat save blong priperem ol haos blong olgeta from nekis saeklon.

Rikonstraksen istap hapen tu long ol Red Kros branj long Tanna mo Efate, tufala i bin kasem plante damej long taem blong saeklon.

*Antap: Wan pikinini i stanap klosap long skul blong hem we Red Kros i stap ribildim long Buninga. (Edwina Yeates, VRCS), Andanit: Joe Simeon, Hed Tija, i wok long skul ruf ripe long Buninga (Edwina Yeates, VRCS)*



5,168

famli i bin risivim ol tul blong riperem ol haos



## WOTA, SANITASEN MO HAEJIN

Damej blong saeklon Pam i afektem tumas akses blong klin mo seif wota blong dring. 68% blong ren wota sistem blong kasem wota i bin damej o nogud. Afta long saeklon, ikat ol imejensi ripe long wota saplae long Not Tanna. Red Kros i bildim o ripere 159 renwota sistem long Shefa mo Malampa provins. Folem wok ya, 882 haos ikat akses long seif wota. Oli bin setemap 35 toelet blong mekem se sanitesen blong komuniti i kam antap.

Oli wota komiti i bin setap bakeken long 34 komuniti long Shepherd aelan, Paama, Mosso mo Lelepa blong enkarejem lokol manejmen blong ol wota risos. Hemia hemi impoten naoia long taem blong El Nino weta we i kosem wota blong ko daon long plante komuniti long Vanuatu from se amaon blong ren iko daon.

Long taem blong eni disasta, gud haejin i impoten blong save stopem ol sik blong kam bigwan. Afta long saeklon kasem naoia, Red Kros i kasem 5,198 pipol wetem ol haijin promosen aktiviti. Oli lokol volentia i kasem trening long ol eria blong wasem han, hao sik i pas mo hao blong praktisim haejin wetem wan smol amaon blong wota. Oli volentia ya i pasem ol tingting ya tru long ol awenes sesen long ol lokol komuniti blong olgeta. Hemia i mekem se oli wok tugeta blong stopem ol sik mo promotem helti komuniti.



**4,410** pipol we akses blong dring wota i kam antap



*Antap: Red Kros i bin stap helpem ol komuniti blong aksesem seif wota blong dring afta saeklon Pam (Becky Webb, IFRC) Antap long peij: Oli pipol long Liro vilij, Paama i risivim wan wota tank (Nixon Joe, VRCS)*

## HELT

Red Kros i wok plante blong bildimap strong tingting blong ol komuniti blong save solvem ol helt mo medikel isiu tru long Fes Eid trening long ol komuniti. Prokram ya istap hapen naoia long Malampa mo Shefa provins mo emi eim blong benefitim 7,500 pipol. Blong gat ol komuniti memba we i kasem trening long Fes Eid, olgeta i save givim help long imejensi kasem taem we sikman i save kasem medikel tritmen.



Antap: Wan woman i pointem aelan blong hem long Vanuatu map, Emae (Madeline Wilson, IFRC) Andanit: Ol yangfala woman blong rural Efate i ko tru long smol bisnes manejen trening long Port Vila, Efate (Renie Anderson, VRCS)

## DAONEM RISK BLONG DISASTA

Long las 12 manis, wan mein samting long wok blong Red Kros hemi blong pripe from ol fiuja disasta. Vanuatu hemi wan kantri long wol we disasta i afektem bigwan, mo ol pipol i mas pripe gud. Ol konstraksen blong komuniti haos mo wota sos i strong blong mekem se komuniti isave ko tru long fiuja disasta. Long wan kantri we i dipen plante long ol lokol risos blong mekem mani, laeflihud prokram i mekem se taem we disasta i spolem karen, igat ol narafala wei blong winim mani.

Wan long ol impoten wok blong Vanuatu Red Kros blong pripe from fiuja disasta hemi blong mekem sua se ikat inaf saplae blong rilif we i redi long kantri taem wan disasta i hapen. Blong storemap ol stok long hed ofis long Port Vila mo long provins, ol saplae i redi oltaem. Wetem help blong Ostrelia Dipatmen blong Foren Afea mo Tred, Red Kros i gat naomia inaf rilif saplae blong 800 famli blong mekem sua se taem igat disasta, imejensi asistens i save ko hariap long olgeta we i nidim.

## LAEFLIHU

Blong plante famli, saeklon Pam i afekem bigwan fasin blong winim mani. Long yia we saeklon i hapen long hem, Red Kros i bin ranem tri woksop blong ol yangfala woman blong Efate we saeklon i bin afektem olgeta. Ol woksop ya i bildimap ol skil long saed blong winim mani mo helpem ol yangfala woman ya blong save help wetem mani we famli blong olgeta i stap winim. Igat 31 yangfala woman we i bin atendem ol woksop ya finis. Tru long ol difren wei blong winim mani, ol woksop ya i helpem olgeta blong oli kam moa strong blong save ko tru long ol fiuja disasta. Igat plan blong ranem 8 moa woksop long 2016.





## WOK WETEM OL KOMUNITI

Red Kros i mekem sua se mifala i wok klosap wetem ol komuniti tru evri step blong rikavari. Red Kros i setemap mo divelopem ol komuniti disasta komiti mo wota komiti blong enkarejem ol lokol blong lukaotem mo manejem. Ol komuniti i stap givim fidbak oltaem long saed blong ol aktiviti we i bin tekem ples blong Red Kros i save wanem komuniti i nidim. Long Efate mo Tanna aelan ova 500 haos i bin tek pat long ol sevi. Long West Tanna, 300 haos i bin givim fidbak long saed blong Selta. Igat ol fokus grup we i bin tekem ples wetem ol woman long West Tanna blong karem sam fidbak blong ol woman tu. Infomesen we i kamaot long sevi ya i helpem Red Kros blong save olsem wanem blong mekem pipol i pripe gud from ol fiuja disasta mo tu blong save wanem blong mekem naoia blong help.



*Antap: Ol woman iko long wan fokus grup long Lamanian vilij, Tanna (Renie Anderson, VRCS) Left: Ellen Nok long Tanna wetem tufala pikinini blong hem. (Edwina Yeates, VRCS)*

## OL VOLENTIA STORI

### Ellen | Tanna

“Afta long saeklon mi volentia blong lukaotem Red Kros wehaos mo mekem sua se igat stret namba blong ol samting.

“Mifala i givim aot ol mat, wota kontena, tapolen mo haejin kit. Mifala i givim aot wota tu long ol pipol blong Not Tanna from oli nogat wota”.

“Mi no bin save eni wan long Red Kros tim taem oli bin kam, be long end blong wok mifala i kam gud fren”.

“Klosap mifala i finis blong ribildim haos blong mifala. Red Kros i givim ol tul kit blong yusum. Mi no bin slip long haos blong mi afta saeklon kasem naoia. Mi luk fowod blong slip long haos blong mi mo mi hapi tumas”.

## OL STORI BLONG VOLENTIA

Johnathon | Efate

“Bae mi neva foketem saeklon Pam, hemi bigwan tumas mo i strong bitim eni nara saeklon. Plante long ol famli blong mi long Tanna i lusum laef blong olgeta mo mifala i harem nogud tumas

“Vanuatu Red Kros i bin fes wan blong rispon long komuniti blong mi. Mifala i kasem tapolen, selta tul kit mo kakae

“Taem mi volentia wetem Red Kros mi lanem plante tingting long saed blong bildim ol haos we i strong blong save ko tru long wan saeklon.

“Mi wantem talem bigfala tankiu long ol Red Kros dona mo sapota we istap ovasi from help we olgeta i givim long mifala.”



## LUK IKO LONG FORET

Red Kros bae i kontinu blong wok wetem ol komuniti long Malampa, Shefa mo Tafea provins blong rikava. Bae mifala i provaedem ol pipol we saeklon i afektem olgeta ol tingting mo tul blong helpem olgeta blong rikava mo pripe from nekis disasta. Wok blong Red Kros long saeklon Pam rikavari hemi plan blong kontinu kasem medel blong yia 2017.

*Antap: Johnathon David i wok long Ohlen, Port Vila (IFRC) Andanit: Ol pikinini long Buninga aelan i stanap aotsaed long haos we oli haed long hem long taem blong saeklon (Edwina Yeates, VRCS)*



## WEA MIFALA I WOK



Wota, Sanitesen mo Haejin



Selta



Laeflihud



Daonem Risk Blong Disasta



Helt

Note: Map is hemi sowem ol wok we Red Kros i stap mekem naia. Mifala i stap wok long sam narafala ples long Vanuatu long program we i no stap insaed long rikavari.

## IKO LONG OL DONA

Vanuatu Red Kros i wantem talem tankiu long evriwan we i bin doneit long imejensi rispons blong mifala— ol gavman, patna Nasanal sosaeti, ol bisnes mo wanwan man. Ol donesen ya i mekem se Red Kros i save helpem ol pipol blong Vanuatu long taem blong nid.

## DONEIT

Wetem ol ifekt blong El Nino o drae taem, i gat plante wok yet blong mekem blong helpem ol pipol blong Vanuatu i rikava. Blong doneit iko long Vanuatu Red Kros TC Pam rikavari ko long:  
[www.vanuaturedcross.org/donate](http://www.vanuaturedcross.org/donate)


Ol neiba blong yumi long Fiji i kasem bigfala damej from wan katekori 5 Tropikel saeklon Winston. Blong doneit iko long saeklon Winston Apil ko long: [www.vanuaturedcross.org/helpfiji](http://www.vanuaturedcross.org/helpfiji)



Blong karem moa infomesen kontaktem:

Vanuatu Red Cross Society  
PO Box 618, Port Vila  
Telefon: 27418

[www.vanuaturedcross.org](http://www.vanuaturedcross.org)

 International Federation of Red Cross and Red Crescent Societies

